



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

In idem, Sermo LXI.

[urn:nbn:de:hbz:466:1-50232](#)

Quia qui per Christum, & Ecclesiam in nouum hominem fuerit natus, veteris delicti nil habebit. *Credimus carnis resurrectionem.* Ut credamus passionis, mortis, resurrectionis Christi hanc fuisse causam, ut nos resurgeremus ex mortuis. Resurget caro, resurget, ut ipsi sumus, ut agnitus maneat personarum, ut & martyr de persecutoris poena latitudinem sumat, & persecutor sumat de martyris honore supplicium. *Credimus vitam eternam.* Quia post resurrectionem nec bonorum finis est, nec malorum. Signate vos. Fidem quam credimus & docemus, non atramento, sed spiritu, committamus pectori, non chartae demus memoriae, non libro, ne diuinum munus violent res humanae, ne cœleste secretum arbiter profanus assumat: ne quod est credentibus ad vitam, existat perfidis ad ruinam. Sol lippientibus oculis non lucem tribuit, sed tenebras: vinum vires febrentium non reparat, sed eneruat: sine medico vitae poculum fit lethale, sic perfidis perniciosum est sine fidei sacramentum. Sicut dicit Apostolus, capiatur fides ex auditu: auditus autem capiatur ex verbo, & vitae placitum, pactum fidei, lex salutis non haereat morituris, sed viuis sensibus affigatur.

In idem, Sermo L XI.

Acto. 9. **N**isi me solaretur beati Pauli subita & inopinata conuersio, vix crederem tam facile vos de terrena labe in cœlestem posse gloriam commutari. Illum namque de persecutore mox Apostolum præstitit repentina confessio, & Ecclesiæ dedit insignem magistrum, quem furentem Christiani nominis inuen-

Acto. 8. rat vastatorem. Nec minus animat me illius spadonis exemplum, quem fides antè rapuit ad gratiam, quam

Luc. 23. currus ad Indiam, domumque reuocaret. Accedit

i llud

illud etiam latronis mirabile documentum , qui *Luc.23.*
nunc rapuit paradisum, quando latrocinij sui pœnas
est appensus , vt solueret. Vnde nos filioli , quia
sic tempus vestræ regenerationis aptastis , vt neque
nos possumus dicere quod necesse est , neque vos
possitis quod oportet audire , fidem fidei commit-
tentes , tradimus breuiter , quod latius commendare
non possumus. Nam quemadmodum exponenti-
bus nobis potestis cognoscere symboli sacra-
mentum , qui ipsum symbolum memoria capere vix
valetis ? Hoc monemus solum , ne quis committat
litteris , quod est cordi mandaturus ut credat : Apo-
stolo sic monente , Corde creditur ad iustitiam , ore *Rom.10.*
autem confessio fit ad salutem. Audituri formam fi-
dei , crebulitatis normam , confessionis ordinem ,
parate simul corporis & cordis auditum. Sic ut
fons ore angusto manans magnis fluiorum latici-
bus ampliatur , sic fides symboli breuiato sermone
crebulitatis latissimos dat meatus. Et sicut radix
altè fixa in excelsum germen se protendit , fides sic
radicata pectoris in profundo in excelsum cre-
bulitatis cacumen attollitur. Ergo de cordibus ve-
stris expurgate perfidiæ cœnum , vt pura per vos
fidei fluenta percurrant : incredulitatis fructa in
vobis radicitus amputate , vt ex crescant ad alta
crebulitatis vestræ robusta plantaria. Et quia , au-
ctore Apostolo , corde creditur ad iustitiam , ore *Rom.10.*
confessio fit ad salutem , in confessionis vocem
modò date quod iam corde creditis. *Credo in Deum*
Patrem omnipotentem. Qui credit in Deum , Deum
discutere non præsumat : Deus quod sit , sufficit sci-
re: qui requirit unde sit , quantus sit Deus , Deus quid
sit , hic nescit: solum importunum tenebrat aspectum ,
ad Deum inconcessus cœcatur accessus : Deum qui
vult

O

vult

vult videre , visionis eius discat tenere mensuram: Deum suum qui vult scire , nesciat gentium deos; qui Deos dicit , contradicit Deo. Seruire vni libertas est, captiuitas multis. Quem Deum confessus es, crede patrem : ut credens patrem , esse filium discas. dicens filium , genitum cognoscas esse de patre, cognoscens de patre genitum , quomodo sit genitus non requiras : quia dixisti , *Credo in Deum Patrem omnipotentem.* Omnipotens potest omnia , & si omnia potest quod in se, ex se , & semper secum habeat filium quis negabit: Generatio Dei initium non habet , nescit finem , non admittit excessum : quando in genitore genitus permanere persistit : dicente ipso Domino. Ego in patre , & pater in me est. Ego & pater vnum sumus. Confessus es patrem, confessus es filium, confessus es diuinitatis arcanum, confitere incarnationis dominicæ sacramentum.

*Iean. 13.**Iean. 10.**Phil. p. 2.*

Et in Christum Iesum filium eius. Christus à superno vocatur vnguento: est enim tota plenitudine diuinitatis infusus : Iesus nomen est à salute , quod nomen omne quod in cœlo , quod in inferno est, tremens , genuflexum , summiso vertice confitetur. *Et in Christum Iesum filium eius unicum Dominum nostrum.* Ut patris & filij, est nobis vna Deitas, ita dominatio vna sit nobis. *Qui natus est de Spiritu sancto ex Maria virgine.* Spiritus & virgo copula terrena non est, cœleste sed est secretum ; hinc est , quod nascitur est diuinum. Ergo quod natus est , confitendum est, quomodo natus est, tacendum est : quia quod secretum est , sciri non potest : quod clausum est , nescit aperiri: quod singulare est, non refertur exemplo. *Qui sub Pontio Pilato crucifixus est & sepultus.* Iudicis nomen audis , ne tempus ignores : Crucifixum audis, ut tibi mortis qualitas innotescat : & intelligas quid impen-

impenderit tibi, qui propter te pœnam tantæ mortis excepit. Audis sepultum, ut scias mortem non fuisse perfundoriam, sed veracem. Mori nolle est timoris humani, diuinæ virtutis est surrexisse de morte, hic ergo non offendat mortis auditus, vbi resurrectionis gloria abscondit mortis iniuriam. *Tertia die resurrexit.* Quia hominis est quod moritur: Trinitatis est quod resurgit. *Ascendit in cœlos.* Hominem ferens illo, vbi semper mansit. *Sedet ad dexteram patris.* Ad dexteram sedet, quia habet deitas nil sini- strum. *Inde venturus est iudicare viuos & mortuos.* Iudicabit viuos & mortuos, qua resurgent ad iudicium, qui non putantur esse post mortem, quos gentilitas existimat periisse cum sæculo. *Credo in Spiritum sanctum.* Ut in patre & filio, & Spiritu sancto vnam credas & intelligas esse deitatem. *Credo sanctam Ecclesiam.* Ut confitearis Ecclesiam Christi sponsam in perpetua Christi societate mansuram. *Credo remissionem peccatorum.* Carnis resurrectionem. Qui remissio neim peccatorum, qui carnis resurrectionem non credit, aufert veniam sibi, ipse subtrahit vitam. Quod audistis & credidistis, quod confessi estis, cor habeat, memoria teneat, charta nesciat, scriptor ignoret, ne sacramentum fidei diuulgetur in publicum, ne ad infidelem fidei deriuetur arcanum, Deus qui vobis sacramentum fidei & audire dedit, & credere, ipse vos æternam peruenire faciat ad salutem.

In idem Sermo LXII.

N Vtritor pius nisi totus fuerit redactus in paruum, nunquam parvulum perfectum perducit in virum: denique tunc vocem tenuat, verba ponit, agit nutibus, sésus seponit, infirmat viscera, abiicit vires, membra dissoluit, gressum tardat, gestit non ambulare,